

Stigli preliminarni nalazi iz Zagreba

# U izlivenom trafo ulju ima kancerogenog PCB-a

PCB se nalazi u tako malim količinama da one nisu škodljive ni za ljude ni za biljni ni za životinjski svijet, kaže Pavlović

Prema preliminarnim rezultatima laboratorija u Zagrebu, u trafo ulju koje je iz energetskog blok-transformatora u krugu Hidroelektrane „Jablanica“ ispušteno u Neretvu ima kancerogenog polihloriranog bifenila (PCB)!

Podsjetimo, tokom proteklog vikenda iz rezervnog blok-transformatora u vodotok je isteklo oko 15 tona ulja.

## Stalni kontakti

Informaciju koja je sinoć predstavila Hercegovinu saopćio je portparol Kriznog štaba Civilne zaštite HNK Pero Pavlović. Pavloviću je, kako je kazao, ove informacije prenio dr. Zlatko Vučina, direktor Federalnog za-



Pavlović: Nimalo prijatna vijest

voda za javno zdravstvo, koji je u stalnim kontaktima s laboratorijem u Zagrebu čiji su stručnjaci obavili analizu.

Iz Kriznog štaba sinoć su naglasili da se u ulju ipak nalaze



Radnici IND-EKO-a uklanjaju ulje s akumulacije „Grabovica“ (Foto: F. Vele)

## Iz „Elektroprivrede BiH“ bez komentara

Šef Eko-službe „Elektroprivrede BiH“ Kadira Močević sinoć nije htjela komentirati nalaz laboratorija u Zagrebu do pristizanja službenih nalaza. Tek je dodala da se pored ove, za konačan sud trebaju sačekati i informacije iz Beograda i Ljubljane.

- Ekipe IND-EKO-a inte-

nzivno uklanjaju uljnu masu na akumulacijama Grabovica i Salakovac, ali i nizvodno prema akumulaciji „Mostar“. Stalno nadziremo da ulje ne bi krenulo nizvodno i nećemo ukinuti nadzor sve dok vodotok i akumulacije ne budu očišćeni, a građani potpuno sigurni - kaže Močević.

minimalne količine kancerogenog PCB-a.

- PCB se nalazi u tako malim količinama da one nisu škodljivi-

ve ni za ljude ni za biljni ni za životinjski svijet - kazao je Pavlović.

## Ne ide u vodu

Dodao je da ove materije ima samo u ulju, što znači da u vodi ne postoji otopljeni PCB, čak ni u tragovima.

- Prema riječima dr. Vučine, uklanjanjem masnih mrlja s akumulacija „Grabovica“ i „Salakovac“, u cijelosti će se ukloniti i one minimalne količine PCB-a u ulju - kazao nam je Pavlović, dodajući da će konačni službeni rezultati analize prolivenog trafo ulja biti poznati danas. F. VELE

## Četiri izvorišta i dalje zatvorena

- Ne osnovu najnovijih nalaza uzoraka vode uzetih sa svih izvorišta nizvodno od HE „Grabovica“, zdravstvena ispravnost vode je u tzv. graničnim vrijednostima. Ali, sanitarni inspektor je odlučio da još tokom večeri i noćas uzmemo uzorke vode i da se konačna odluka o njenom kvalitetu donese u pe-

tak. Radi preventive ćemo sačekati još jedan dan. Do tada, na snazi ostaje ranija odluka sanitarnog inspektora da se Mostar može snabdijevati s izvorišta Vrlo Radobolje i Bošnjaci, dok su Salakovac, Studenac, Biletici Polje i Bjelave-Čapljinina zatvoreni i iz njih se voda ne može koristiti - kazao je Pavlović.

## Studija Centra za evropske integracijske strategije

# BiH je zrela za vizne olakšice

Dokument izradio sarajevski ured na čelu sa Senadom Slatinom

Centar za evropske integracijske strategije (CEIS) izradio je studiju o tome koliko je BiH spremna za olakšavanje viznog režima za njene građane, što je mjera koju je najavila Evropska komisija.

Predsjednik CEIS-a Jakob Finci u izjavi za naš list potvrdio je da je namjera studije da kroz napredak BiH pokaže kako nema razloga da se čeka olakšavanje viznog režima.

- Bh. građani najbolje znaju kako je stajati u redovima pred ambasadama. U studiji obrazložimo zašto smatramo da je vrijeme za olakšice i u kojoj mjeri



Finci: Želi pokazati napredak BiH

bi to olakšalo komunikaciju bh. poslovnih ljudi, studenata i naučnih radnika s EU - kaže Finci.

Studiju je izradio sarajevski ured ove organizacije na čelu sa

Senadom Slatinom. U dokumentu se podsjeća da EU često spominje reviziju izdavanja bh. državljanstva, od kojih su neka neregularno data osobama arapskog porijekla.

- Ističemo da je proces počeo, da je formirana Komisija za reviziju državljanstva, ali mi želimo reći da se ne treba čekati da ona završi posao, nego da je situacija već zrela za vizne olakšice - kaže Finci.

Dokument će CEIS prezentirati danas u prisustvu Hansa Svobode (Hannes Swoboda), člana Evropskog parlamenta, a bit će upućen i u institucije EU. T. L.



Sarajevo: Invalidi ogorčeni na predstavnike vlasti

(Foto: M. Kadrić)

# Četvrti dan protesta Saveza invalida FBiH Ako treba, ostat ćemo pet godina!

Sve teže zdravstveno stanje • Bez zakona o raspodjeli javnih prihoda nema dijeljenja sredstava

Zdravstveno stanje dvadesetak članova Saveza invalida FBiH, koji četvrti dan protestiraju u zgradi Parlamenta FBiH, sve je teže, potvrdio je za „Dnevni avaz“ Zijad Arapčić, predsjednik Saveza.

- Rano ujutro dolazila nam je hitna pomoć kako bismo nas petorica dobili injekcije za stabilizaciju pritiska. Zahida Šehića i Fadila Merdanovića vozili smo u bolnicu na dijalizu. Čuli smo da Parlament FBiH neće moći zasjedati danas pa i ako Vlada FBiH usvoji budžet za 2006. - kaže Arapčić.

Arapčić kaže da parlamentarci ne misle da će izaći iz zgrade dok ne usvoje budžet za ovu godinu.

- Ako treba, ostat ćemo pet

na prosjački štap. Međutim, i među njima ima poštenih. Evo, svaki dan obilazi nas sekretar Doma naroda Izmir Hadžiaović. Nažalost, predsjedavajući oba doma Parlamenta FBiH to još nisu učinili - tvrdi Arapčić.

Kako nam je kazao Hadžiaović, Dom naroda sjednicu je zakazao za idući ponedjeljak i utoliko, te bi budžet za ovu godinu mogao biti razmatran tek drugog dana zasjedanja.

- Osim toga, čekamo da Ustavni sud FBiH riješi pitanje zakona o pripadnosti javnih prihoda, jer, koliko znam, isplata sredstava svim korisnicima budžeta ovisi od ovoga zakonskog rješenja. Znači, i ako usvojimo budžet,

## Ibrahimović: Neću raditi pod pritiskom

Muhamed Ibrahimović, predsjedavajući Predstavničkog doma Parlamenta FBiH, naglasio je da je tehnički neizvodljivo sjednicu zakazati za danas.

- Ako Vlada FBiH i usvoji budžet, poslanicima se mora poslati materijal. Dom naroda zasjeda u ponedjeljak i



Ibrahimović: Za sve kategorije

utorak. Ako bi mi odobrili da zasjedanje Predstavničkog doma zakazem drugog dana njihovog zasjedanja, onda neće biti problema. No, ja neću da radim pod pritiskom i zbog protesta invalida, već zbog svih socijalnih kategorija - smatra Ibrahimović.

godina, jer nema drugog rješenja. Parlamentarci se trebaju stidjeti. Zbog njih smo dovedeni

nema isplata bez zakona o raspodjeli javnih prihoda - pojasnio je Hadžiaović. A. DEDAJIĆ

## Iz Federalnog zavoda PIO/MIO Naredne sedmice počinje provjera civilnih invalida

Ocjena invalidnosti civilnih - neratnih invalida na području Federacije BiH počeo će iduće sedmice, saopćeno je jučer iz Federalnog zavoda PIO/MIO.

Federalni zavod PIO/MIO dobio je traženo tumačenje Pravilnika o primjeni liste ratnih vojnih invalida pri ocjeni invaliditeta, ortopedskog dodatka, tuđe njege i pomoći druge osobe civilnih invalida, koje je regulirano Pravilnikom o ocjenjivanju oštećenja organizma kod osoba s invaliditetom, koji je, svojevrjemenom, donio federalni ministar za rad i socijalnu politiku Rado-

van Vignjević na osnovu odgovarajućeg zakona.

Naime, primjena Pravilnika o utvrđivanju procenta vojnog invaliditeta na kategoriju civilnih invalida, za Sektor za ocjenjivanje radne sposobnosti predstavljala je određene poteškoće i dileme, koje su tumačenjem resornog ministarstva otklonjene, pa će ovaj posao ocjene invalidnosti civilnih invalida (računa se da će ocjenu proći više od 80 hiljada civilnih - neratnih invalida) početi iduće sedmice, kaže Nadir Kovačević, direktor Federalnog zavoda PIO/MIO, prenosi Fena.

## Spec

• SARAJEVO - Regionalna konferencija „Razvoj kapaciteta za efikasno korištenje pomoći u regionu zapadnog Balkana“ po-

čela je jučer u Sarajevu u organizaciji Regionalnog biroa Razvojnog programa UN-a (UNDP) za istočnu Evropu i u saradnji s UNDP-om u BiH.